

四庫全書

集部

欽定四庫全書

明文海卷十二

餘姚黃宗義編

賦十二

山川四

續中流砥柱賦

毛愷

江陵曹先生柄文三晉博綜六籍暇日有感於黃河  
之砥柱抗九曲而不回歷萬古其如新爰托楚聲揮  
毫成賦間示毛子三復讀之意高而雅辭麗以則揆

之禮義中正秩如也宋玉景差風斯下矣式遵步驟  
輒續厥篇深愧鄙蕪聊代就正之贄云耳其辭曰

黃鵠道人覩世變之日下羌欲挽而回之託大河之魏  
石寄微意於雄詞慨彼夏氏受命於帝導茲洪流沛然  
下注粵遺竒蹟削如芙蓉截岌差峩崔巍龍從亭亭子  
子鬱鬱葱葱不偏不倚不蹇不崩千仞壁立屹乎波中  
聲鼓萬雷勢奔九龍倒垂玉竦直掛長虹下壓鴻龐上  
摩太空真成天造疑為鬼工激鯨濤以澎湃戴鰲背之

穹窿山川森其蔽虧烟靄翕以冥濛巨靈乘時而崩崩  
天吳奔靡而下風迴狂瀾於既倒俯馮夷之幽宮茲非  
所謂三門之砥柱障百川而之東者耶若夫日觀秦岱  
之宗霞標赤城之峯華表曾聞夫唳鶴支磯見卜于仙  
翁媪石裁成精煉補天之色秦皇東狩神驅駕海之功  
斯皆似涉於茫昧俱不足以擬其形容嗟夫古之君子  
比物醜類罕譬而喻物有所假情有所寓湯盤銘以自  
新孔登山而小視斯目擊而道存何莫學而非事況夫

宇宙之間爰有正氣燦日星以華天奠河嶽而緯地在  
人得之亶為聖智弗礪而砥弗斲而柱莫怵以威難誘  
以利招之不來麾之不去值危疑而靡驚投艱大而罔  
懼舉世尚同吾非立異舉世好圓吾方以制舉世百慮  
吾以一致人多炎炎吾寧踽踽人多汲汲吾寧泄泄黜  
身外之浮游恥藩閭之富貴窮則採薇之歌達則霖雨  
之志生以望乎萬夫沒以風斯百世庶植立乎兩間乃  
浩然而無愧辭曰嗟橫流之靡兮夫孰知其非兮繫君

子之挽其趨兮志百折而弗移兮端吾軌兮範吾驅吾  
將從道入於聖域而日躋兮誓白首以為期兮

三泖賦

范守已

無心子宦於雲間再易寒暑日往來於姑熟恒泛舟於  
泖之沮搢搢焉披紛牘於蓬窓而忘其川澤之修阻一  
日塵襟少豁旋自雲陽絕婁淞而闌笠澤走單舸而鼓  
鳴榔櫓啞啞以激波颿縮縮以辭檣窮斷連之瀦蕩凌  
灑淼之沈茫于是啓扃而出緣舷而步徘徊於維纜之

所設跼蹐而四顧望津涯而辨方隅官乎皇皇而錯愕  
迺招舟子使陳其故舟子有扣舷叟者奮然進曰先生  
未知澤國之勝概乎抑未知此水之源派乎夫自倏忽  
鑿渾沌之竅而地多罅壑共工觸不周之山而水歸東  
南洎禹乘之既歇滙震澤以泓涵肆浸淫而旁溢歸長  
泖之澄潭水連綿其如一勢續斷而為三其上則吞澱  
山之流波來金澤之瀉渺納白牛之泛滔引葑澳之浩  
漾洶洶焉湧湧焉爭趨並下而不辭洿凹之秋小其下

則瀉洄湍於黃浦導汎濫於吳淞通別港於檣李散微  
洪於五茸邕邕焉溶溶焉支分派析而不計衆流之纖  
洪其中則孤沙平湧茂木林立梵宇耀甍雁塔飛級闍  
黎翻貝頭陀縣汲樹辟蘿兮灌杜衡焚椒蘭兮爨玉粒  
壙兮與塵世其若違恍兮接員嶠而拱揖其四望則洞  
庭鬱其西北下扃千丈之龍穴天馬蹲於東南上來萬  
姓之燔爇崑岡遙峙鍾賈并列聳九峯之孤碧羅海角  
之封凸矗矗然密巖然棟五湖而表三江皆可以翹首而



引瞥若此者固松郡之巨匯吳會之名湍往來之利津  
游眺之竒觀先生之遡洄久矣而猶未得其端倪乎無  
心子鞭然有間曰形氣之概既已知之其亦有利爾耶  
耶叟復吁睢而對曰嗚呼孰水不滋孰滋不利而況汪  
洋澌澈吞吐浸漬之若斯乎故自其煩育於深渦類聚  
於廣窟或泳或躍或介或鱗鱐魴鯪鯉之異其端鮪鮓  
鯉鱈之別其羣金鯽穿藻玉鱸翻蘋輸稻芒兮紫蟹噉  
荻芽兮河豚螭蜺蝓蚌兮與蝦鰈而為伍鱸鮓螭虬兮

並鯛鱧而俱淪凡若此者可網可笥可筒可綸乘舫舳  
而矛射於茫養攜笈箬而掇拾於湄濱可炙可繪可飫  
可珍貧矣乎鬻而厚得其值富矣乎剖而燕樂其賓此  
固蔽利之大而猶為三泖之纖塵若夫澳隈之所沮洳  
之旁茭蘆彌望蕪葭垂蒼菱角泛紫荇帶浮香芡之實  
兮咏鷄味於泥滓此之芟兮掉鳧足於淖壤堪采堪列  
堪剝堪嘗為筦為薄而資藉之不匱以登以豆而賓筵  
之有光此又種植之利而亦未盡其無方至若清曠之

濱空廓之渚乃有屬玉聯翩陶河並舉鶴戛戛以長鳴  
鶴翻翻而覓侶羣鷗浮兮點白雪於碧波孤鷺游兮泛  
綠羽於清泚鈎輶格磔兮鷓鴣飛鳴喔咿嚶唳兮鸚鵡  
調語鴻鴈窺稻粱而來賓鷓鴣挹清流而振羽或以矰  
或以繳或以網或以籩光澤乎籠鞬而擾馴腴美乎宰  
割而烹煮斯又禽鳥之利而猶不止於如許迨夫沆漭  
之流行汗漫之旁敷引之而為溝為澮穿之而為汜為  
渚尋圩岸以達畝越陂陀以分隅或架桔槔或為輓轆

或以牛運或以人舂滾滾乎收白浪於軸輻滔滔乎  
輸洪波于壞壚遍南畝而既優既渥盡西疇而載泥  
載塗以杭以孺以秀以桴綠雲堆野黃波翻區穫之  
而秉穢之盈畝斂之而芒穗之連輸萬寶告登兮盡  
百室而充盈三農慰願兮合四民而驩虞斯則田疇  
之大利借三泖以豐腴者也至于清淑所萃靈秀所  
鍾豪傑並起英彥踰蹤聚之為人文之藪達之為國  
士之宗康績以行誼顯孫抗以功業封機雲之詞章

尤著敬輿之忠烈彌隆梁唐迄宋科目不窮迨皇明  
之撫運荷聖化之陶鎔文班班以爭曜材濟濟而奮  
庸或宣臚于北闕或旆錦于南宮或秉鈞于黃閣或  
輸阜于丹楓其他攀鱗附翼宣力効忠藹藹乎麟馳  
而鳳躍繩繩乎魚化而鴻腫又孰非淵澤之靈異風  
氣之偉功先生之盤旋已二載矣尚未知衆利之充  
豐乎無心子聽既憮然曰大哉泖乎其利於邦畿有  
若是者乎吾思夫魚禽之繁夥種植之敷暢猶云利

民而未及利于國也至于灌溉禾稻而國家之供億  
所需孕毓賢喆而國家之楨榦所賴則將利及於天  
下矣叟其退諸吾今而後知澤國之所以名天下也  
已

觀瀾生賦

并序 趙寬

僉憲徐君朝文自號曰觀瀾生謂予曰某生江湖  
之間長而置身宦海之上驚浪駭濤蓋飽閱而熟  
觀之第力有不逮時有不然思欲障頽波回狂瀾

而未能也然嫠婦之憂洵有不能忘情者是有取乎觀焉予聆之而深感其言永歎不已遂為賦之

其詞曰

元化交流之馮翼兮孰翕而孰施春秋旦暮之荏苒兮  
彼逝者其如斯波濤被於宇內兮何一物而無之鉅者  
為澎湃兮細者為漣漪豈特江與河兮日浩浩而東馳  
合羣動而皆然兮試比類而旁推羣鴻飛而蔽空兮萬  
馬逸而無羈雲霧瀚而上蒸兮岡巒遷迤而屢屨長林

撼風起伏而號呼兮禾黍秋熟極目之紛披蚊蝓蠓蟻  
隊分而陳合兮蟻室集於階墀蠻觸氏之鏖戰兮螳臂  
奮以相持長楊羽獵車騎之彌山兮昆陽鉅鹿設萬壑  
之旌旂蓋無往不寓夫懷襄之勢兮信物情之險巇渙  
崩奔而洶湧兮莽曠蕩而無涯詎天命之難諶兮亦人  
心之惟危彼六鑿之相攘兮判水火之坎離或深谷而  
為陵兮或平陸而成池或行險而幸全兮或居安而傾  
歎或呂梁縣水之可蹈兮或濡裳於溱澗况乎世變愈



降兮民偽日滋蘧籐與戚施兮競風靡而相隨瞪雙目  
而無見兮悲衆人之蚩蚩何夫君之不凡兮獨幽覽而  
深窺洞玄機之靈扃兮徹秋毫而靡遺始者吾將要其  
終兮盈者吾將究其虧孰往矣而不復兮孰成焉而不  
隳堅胡為乎易缺兮芳胡為乎易萎惟綱常之為大兮實  
吾職之攸司吾既有此夸節兮鯁特立之權竒苟橫逆  
之觸吾目兮吾安能忍而嚙吮固將挫其銳而解其紛  
兮豈但恤緯而憂葵操巨舟以宏濟兮屹砥柱而不移

投寸膠於溷濁兮揚醇酎於澆漓追邃古之往躅兮還  
炎帝之希夷既彰善而瘴惡兮亦起廢而興衰上以紆  
宵旰之憂勞兮下以洗赤子之瘡痍睨華勛之未遠兮  
奚凱元之不可為嗟此志之耿耿兮窮日夜以遐思患  
精誠之未白兮恐效妍而成媮世蓋有披肝膽而不信  
兮矢金石而猶疑使交淺而言深兮徒速累而招疵將  
鉗吾舌而括吾囊兮非吾心之所期欲超然高舉而莫  
之顧兮又酌恩之無時故吾將觀其會以制變兮庶順

動之攸宜奮果毅而勇進兮夫皇恤乎吾私願悃款以  
自效兮豈堅白而磷緇圖寤言之可復兮及吾髮之未  
絲亂曰八荒滔滔一瀾漫兮孰澄其源殺其湍兮惟彼  
達人得大觀兮旁燭無疆神之完兮仰輔聖明瀝衷  
丹兮魑魅魍魎莫敢干兮海不揚波永清安兮

白岳賦

錢府

原夫扶輿磅礴凝結為山尊為五岳名山副焉大江之  
南天目巖巖黃山九華鳳翥龍騫潭洞巖壑岡阜陵岳

伏而忽起斷而復連嶽釜盤爵踔躍蜿蜒其山累百其  
名數千界乎徽嶺白岳雄峙翠巘騰空紫霄特起矗如  
展如若城若壘水簾珠落石池水齒怒類渴猊奔擬走  
咒霧影翻翻壚烟纒纒摩挲老人娟纖美女皓雪不融  
赤日停晷松偃柏茂藤牽葛藟雲霞變化不可向邇此  
其山之大凡也若乃靈區有待殊域天開鬼藏神秘歷  
盡劫迴鳥道上附鸞旂下來北駐黑帝之輦中起玄君  
之臺構珠宮而璀璨涌貝闕而崔嵬步虛奏兮霏雪鈞

天闕兮停雷翩躚白鶴似昆丘之瑤圃青葱玉樹類瀛  
海之蓬萊雲車兮恍惚日馭兮徘徊神蛇兮天矯靈龜  
兮唐頽既福民而壽國亦弭亂而消災北對玄武上應  
斗魁豈白冥之瑞華皇在御幼海無波前星未著爰發  
珪璋專命清署脩靈寶之科儀邀九霄之真馭奏青詞  
之懇切感玄帝之鑒注震宮發祥青旂軒翥帝心用嘉  
駢繁敕諭遂三公乎升秩視五常乎支庶盖有感而遂  
通誠旦暮而斯遇者也繇是播神威於宇宙振盱蟹於

寰中覽覽士民奔命黃童自南自北自西自東輪蹄不  
絕四方來同累朝增飾歷聖褒崇神光彷彿旭日瞳矇  
非山岳降神於蓼嶺虛危分秀於玄穹者乎慨夫靈名  
山邑蔽秀僻壤跡類洪荒事出蒼莽漸入人文始獲昭  
朗超五岳而六之越四鎮而上焉礪房架於層巖玉梅  
寄於仙榔王褒張載之詞刊琬琰於蒼厓元常仲將之  
筆懸徑丈於金榜使負濟勝之具者既不升崑崙而扳  
若木擅凌雲之賦者豈徒侈太華而窺仙掌乎哉固知

地有遠近山有崇卑東南奧區勝實在茲宿曰而往吾  
不為疲披覽圖籍神遊帝祠爰命墨公綴以蕪辭貽笑  
大方繪天莫知惟有孤心凝神帝師千秋萬歲為君祝  
瘡

鼓山賦

徐勣

繫石鼓之崔巍作海邦之巨鎮週圍百里壁立千仞地  
軸盤峙乎坤山勢障屏乎震並華頂之穹窿齊嵩高之  
極峻下臨滄海遠望扶桑遐哉渺渺鬱乎蒼蒼盼瀛涯

而點綴眺島嶼之微茫盱琉球之國而隱見矚天吳之  
首以昂驤隘羣峰於下界空萬頃於八荒觀曜靈於昧  
谷接羲馭於東陽若乃崕岬窈窕崖壑幽邃萃川岳之  
嘉祥鍾巖壑之靈秘寒雲際曉而鎖青古木當春而積  
翠靈水澄源甘泉湧地緇衲聚僧精藍剏寺開山則祖  
師神晏檀施則閩王忠懿標佛土以莊嚴表禪宮以壯  
麗祇園寶殿紺宇珠林臺鋪碧瓦地布黃金馴鴿紛飛  
現半空之影頻伽解語送靜夜之音栴檀有香而馥醇



蒼筤有氣而蕭森至於國師登壇高座說法澗底泉聲  
奔流恬恬襍梵唄以喧豗混摩訶而活潑立運神通放  
聲一喝迴別竇而倒流涸空潭而停歇望石壁兮徒存  
聽澗漸兮永絕洞門峭藉磴道峇堯石封苔而稜漸損  
藤抱樹而葉微凋亭跨丹鳳之尾橋楚巨鰲之腰摩古  
賢之篆刻辨名姓於前朝法嗣曾茲以卓錫高人昔此  
而掛瓢懷古蹟而心悸感往事而魂消爾其異草竒花  
珍禽怪獸妖艷蒙茸高飛遠走彌布於疊嶂堪巖吟嘯

於窮崖廣岫澗旋別徑路轉人家錯村落其如繡開場  
圃以種茶植先春之粟粒采未雨之靈芽老翁負筥而  
向火稚子持筐而踏霞笑北苑龍團之莫匹渺陽羨紫  
笋以難誇極林巒幽翳之足賞何陵谷變幻之堪嗟樵  
火夜遺琳宮瓦礫佛國榛蕪禪房荆棘風吹蔓草兮芊  
綿水漾寒花兮寂歷山魃哭雨以啼霜行客撫今而追昔  
痛頽廢兮六十餘秋悟殘灰兮百千萬劫寶銷佛面已  
多年金舍給孤於何日登臨自美弔古徒勞歌以咏志

賦以憑高等滄溟於一勺睇天風之海濤躡應貞而飛  
渡挾子喬以遊遨身陟雲山兮渺渺眼空塵海兮滔滔  
優哉遊兮以翔以翱

明文海卷十二

欽定四庫全書

明文海卷十三

餘姚黃宗義編

賦十三

山川五

浣花溪賦

郭棻

昔杜少陵成都之游在唐天寶板蕩之季俯臨浣水  
爰構草堂因申房相國以棲遲乃依嚴僕射而肥遯  
大節崢嶸於劍北鴻名照耀於岷西余入蜀川緬懷

高躅濯沆花之寒碧仰玉樹之清標聊綴俚言用抒  
素臆詞曰

入岷峨之錦里兮懷拾遺之精忠掬沆花之溪水分濯  
汶川之秋蓉倚先生之慨慷兮續太古之流風探四始  
之玄奧兮窺二雅之鴻濛獻三賦以明禮兮殫一心以  
奏功忸臣紀之澌泯兮障萬派而必東悲妖雛之戕飛  
兮挺勁特之精衷乃艱關於庸蜀兮矢直節於崆峒朝  
拜命於彤廷兮夕申揅於房公出青瑣以幽棲兮歌白

駒而高翀依僕射於成都兮聲轟轟而摩空既卜築於  
浣西兮載偃蹇於蟠龍扃七歌之哽咽兮歎大厦之併  
懷身彌隱而道顯兮志彌窮而詩工樹百家之標幟兮  
協一代之笙鏞雖當時之流離兮廓萬禩之昭融嗟余  
生之相後兮仰高山以為宗昔守夔之暇豫兮結草堂  
於龍巖茲入蜀之伊始兮訪浣花之遺踪灑潭水之清  
冷兮披卉樹之蒙茸婉風景之如在今挹道範之無從  
但見細石清泉之瀟灑兮又聞黃鸝白鳥之琤琮誦藻

賦之琅琅兮洵大雅之颯颯雖世禩之寥廓兮諒精神  
之流通吁嗟乎先生之德兮玉潔春融先生之風兮山  
高水溶望靈爽兮颯飛鴻醜桂醕兮奠華鐘白羽翩翩  
兮閔玄宮思不見兮愁忡忡

墓頌津賦

郭棻

唐拾遺孟昭圖者正色立朝直言匡國方嗣音於鳴  
陽之鸞鳳竟見忤於當道之豺狼擠茲冠裳投彼津  
水自古貂貓氣馭莫酷於斯而簪組流離亦莫慘於

斯唐社安得不屋哉予以春暮鼓棹墓津訊諸榜人  
指所汨處泫然洒涕憮然陳詞聊寫悲思弗籌工拙  
云

際澗灘之暮春兮予鼓楫於墓頤弔拾遺之孤貞兮掩  
玄袂而歔歔維先生之姁脩兮攬瓊玖以自持紉芳馥  
之澧蘭兮佩芬馨之江蘺燃太乙之青藜兮立當軒之  
文螭侍黃樞而捧簡兮直青瑣而簪珥言必關於民社  
兮慮每謹於淵微憤貂貓之煽焰兮爰昌言以排之借



上方之雄劍兮斲長樂之封豨  
翊皇路於清明兮掃霄漢之昏霾  
何乾剛之弗斷兮反酷馘之橫  
罹投蕃紱於清流兮望天闕而涕洟  
同三閭之魚腹兮類伍胥之鴟夷  
自古皆有死兮先生獨殉國而捐糜  
俯流澌之回瀾兮沉文光之陸離  
覽滄波之東注兮緬浩氣之欽噦  
悵彼昏之無知兮悼末路之陵夷  
瞻銅駝以浩歎兮擲白馬而同悲  
噫嘻乎先生不可作兮徒令人千秋  
萬禩臨淵水而漣沔彼視人目睫以  
干寵而偷生兮寧無愧丈夫

之鬚眉盪木蘭兮遡江湄濯津波兮漾朱曦奠絮酒兮  
薦霞卮望翠羽兮駐玄旂悲風蕭颯兮孤鴻飛玄雲黯  
淡兮烟雨霏霏邈岷山之嶽岿兮浥墓水之連漪嘉忠  
貞之不偶兮尚萬禩而流輝

磨崖賦

郭棻

浯溪以元子磨崖文而重崖文以顏魯公書而益重物  
之相須而不朽於天地間者良不偶哉後之吟卿賦客  
類喋喋焉楊廉夫作賦亦云至攷頌以論體兮垢磨石

之小疵絜大唐之罪案兮異瓊琚之賞詞致後來之墨  
客兮紛石刻之是非嗟夫阿華煽禍於漁陽上皇間關  
於巴蜀誰一戎衣而大物如故誰全宗社而區宇以寧  
功出非常談何容易雖太阿之柄見竊椒房西內之遷  
貽譏輿論然未可以瑕而掩瑜也昔周宣中興常武江  
漢諸篇列於風雅晚年不藉千畝敗績羗戎史臣識之  
乃吉甫之頌祭公之諫並垂金石矧顏元二子唯知頌  
德揚功詎能逆覩其後也則崖文奚容喙些言哉竊因藍

輿之暇廣庶夫意而賦之

倚嵒崖之轟轟兮千層霄而嶙峋撐砥柱於兩間兮摩  
青蒼於萬仞俯石鼓而拉岫屢兮應星纏而分翼軫郊  
東南之半壁偉衡湘之巨鎮誰從磨其峻嶒兮當李唐  
之中興有忠謹之老臣兮振雅頌之元聲發金莛於聳  
叟兮爛銀鈎於顏卿翔虎豹而騰蛟螭兮與諸崖並峙  
而崢嶸嗟六葉之仙李兮悼三郎之耄荒嬖玉蘭於綳  
兒兮動鞀鼓於漁陽紛潼關之虐燄兮痛馬嵬之郎當

舞駿躍以悲憤兮青驪駕而傍徨羣生助勦以弗寧兮  
百僚首鼠而奔竄咸稱臣以紆紳兮儔置身而巡遠唯  
不識面之平原兮連棟萼而忠蹇亦有倚圩之漫郎兮  
歌楚騷而憤惋天不厭於皇唐兮起匹馬於朔方據靈  
武以一呼兮掃橫霄之櫓槍冕泌運籌以制勝兮儀弼  
仗義而于襄爰授璽以踐阼兮又誰咎其倉皇羌三月  
之徂征兮睟兩京之恢復美鐘簴之不移兮欣廟社之  
未屋誕旋乾以轉坤兮乃濡沐而膺福追甲乙以齊軌

兮媿宣光而同躅莫唐鼎於再安兮迎上皇於慶宮迺  
旌烈而酬勲兮亦布惠而蠲庸臣結作頌兮敬鋪張乎  
駿功臣真濡毫兮載揆揚乎丹衷揭日月於重光兮信  
肅皇之為勲也章盛德而標豐功兮允純臣之義也雖  
未禩之瑕類兮庸何傷乎前美也彼江漢常武之風兮  
固不以耄倦而弛也繫茲文與茲石兮迥同時乎天地  
也亂曰君臣父子艱危共兮羯鼓喧虺社稷動兮太上  
播遷遐邇恐兮肅皇勛勳再垂拱兮廓清妖氛嗣帝統

兮迎養慶宮心曷恫兮豐功大烈今古重兮元文顏書  
忠義供兮鏗鉤陸離配雅頌兮喬崖穹碑萬世式誦兮

灑灑堆賦

郭棐

睠瞿塘之浩瀚吞西川於一畝肆犇騰而千里載滌洄  
於三峽儼茲石之孤起水滙之而潄渠抗流澌之橫放  
壯地氣之呼吸蓋鎮夔軸以長存峨砥柱而中立者也  
原灑灑之鑄形屹滄波之尋丈既挺立而若馬亦蹲峙  
而如象固自植之根蒂任狂流之蕩漾捍蜀川之門戶

作荆襄之保障偉片石之為功洵亘古而莫尚即吾人  
而擬議若振世之豪傑張浩氣於獨立植人紀於既絕  
標格天之勲庸樹蓋世之功烈既炳烺而磊落亦嶙峋  
而岌業矧鍾茲之瓌特聚來遊之雋哲豈無障百川而  
東之與茲堆而並列者乎是故有如昭烈拯漢末造氣  
吞曹瞞力驅吳獠百戰艱關三分控抱若堆斯堅子竝  
蒼昊有如諸葛濟時人龍托孤授政盡瘁鞠躬將星弗  
隕仲達必窮若堆斯植氣橫白虹有如雲長髯脩且揚



明燭達旦志嚴秋霜樊城之圍聲震荆揚若堆斯壯樹  
我天常有如翼德鐵面突兀長鏢風馳神駒電颯變起  
侍帳心明皎日若堆斯挺精爽不佚有如工部樹幟詩  
壇內篤忠懇外歷艱難一飯不忘千載所歎若堆斯固  
大節孤攀有如濂溪自得深造愛茲池蓮不除窓草上  
探洙泗下開頤顛若堆斯立示我大道有如康節學究  
先天居變有咏演易有傳心勤觀象淚墮聞鷓若堆斯  
嚴範茲東川有如梅溪攬權獻策忤彼巨奸因之外謫

馬綱抗疏義泉遺澤若堆斯正爰立臣極繫昔賢之幹  
世運奚啻夫艷瀕之障頽波在地為茲堆之岨嶸於人  
為氣節之嵯峨豁古今之大觀詎坎流之殊科諒茲心  
之貞白又遑恤乎其他苟吾力之既殫胡可委世變於  
江河指前修以作則礪貞石而礱磨切予衷之仰止望  
艷瀕而高歌歌曰川水瀾漫兮變石截業波有堆兮士  
有節苟弗自立兮非潰則裂吁嗟士兮視此石兮百挫  
而不折兮

巫山十二峯賦 郭棐

緊金方之靈鼈兮屹莨墜之雄觀列坤輿以奠趾兮劃  
參井而為門曰瑤姬之靚粧兮鋪十二之瓊簪裁翠黛  
之六六兮重青螺之三三駕豐隆以縹緲兮牽雲輶而  
回環靈蚪朱鳥翔躍於其上兮琪花瑤草芊茸于其間  
諒玄天之咫尺兮夙拔地而西盤仰羣峰而舒矚兮可  
屈指而縷言如飛鳳之連卷兮如登龍之蜿曼如集仙  
之幻變兮如聚鶴之翩翩松巒儼其截葉兮上昇蹕其

巉巖朝雲蔚其靉靄兮望霞耀其斑斕翠屏列而逼斗  
兮淨壇聳而孤板灑起雲以靈霽兮浥聖泉而潺湲諸  
峯森森其羅列兮孰謂竒穴之可探維仙都之寥廓兮  
宜鸞馭之往還緬華容之清芬兮佐禹績之駢蕃導岷  
江以疏九澤兮壯灑灑而障狂瀾茲神功之不磨兮澤  
萬世其何刊悵仙風之既逸兮空餘玄猿黃鶴吟吽而  
飛翻年年春風荏苒兮杜鵑啼雨桃花斑洵瑤姬之瓌  
瑋兮詎塵寰之可攀何宋玉之佼佼兮恣唇吻而謔談

混神仙於世上兮辱懷裹於筆端詞人襲其荒唐兮競  
藻繪而騰誼非沈洪之博辨兮孰究測其真詮惟秋序  
之既杪兮弭予棹於江干望十二峯之岩帶兮惟聞松  
風鶴唳交紛喧發長嘯於山川兮挹餘香於蘭蓀慨古  
跡之緬邈兮寄幽懷於芳尊

遊雁蕩山賦

并序

劉文卿

叙曰蕩名乎山山上澤也山系乎鴈誌澤物也大易  
垂通氣之文夏書陳導及之次非以標應天靈表章

地紀者哉故氣通則穹窿之源厚本緼則竒闢之末  
華山則並海而窮海則幅山而盡斯鴈蕩之所以鬱  
竒而分態也余以壬辰五月役於臨海走黃岩出鴈  
山南三日而觀止碧之微阜之博悉有形肖怵目駭  
心其為二儀之英審矣而用晦在昔不與吉烟望崇  
之典或勾吳未通上國所由乎乃誌之所稱土瘞也  
雖然山川之變大矣哉會稽之勺山經述焉今又安  
所考其去來乎然則賦之奈何達生生之始而忽有

形之結則梁山何以書崩於晉岍岐何以首叙於禹  
余之此作興公遐宅之慕靈運休足之悵庶其有暢  
山林宣於來情者矣至於逸險遺幽忘美實多所謂  
得意忘象三餐而返者與

伊東印之巨海鄙淋浴而脉融四明峙漸會之表天台  
臂越障之觀鬼踞踔於縵中罕剝磕於林麓惟鴈山之  
奠跨渭潮之所戮流映扶桑而浸日祖天都乎父姥托  
窮跟而迴履迷谷隧於藜藿時典遜而絕書緼鶴峯於

謝樂豈閉秦乎桃源抑錮竒兮地底高岸谷其坏落兮  
沒浮天而莫徙激雷震龍蛟之所澆委兮海童舉以為  
紀岬削巖以無鄰兮體嗇塊其孰止歟大壑之蛻骨兮  
茲中劫而幽掀維星介於牛女兮滙溫泉以建經鶻僧  
授記楚之湘兮山鳥地花謂我則靈盤峯鬱萃其陽紆  
兮數四九而眷休芙蓉應予以泐光兮鑑帝壘之鬚眉  
玉環南辯於外澁兮障空掩靄而連琉璃却余跟於嶺  
岐兮見石虎之咆吼摩斯宅夫磴陰兮澗沙湮而不存



食雲衆而取食兮鉅鑊野處其無徒考至正之鐫號兮  
曰蘭茗之始基翳荇菘於瀕浚兮窮五轉之名溪舒淺  
水之麗石兮晞朝日之鮮葩眇寶觀之端委兮天剪蹠  
蹠而蕩余曲直象以合股兮景中射而流渚趨龍湫之  
谷結兮屹瓊標而質改被霏微之墜露兮仰懸晶而目  
惘聳丹崖之脩廣兮振襜褕之披離中雷激而外漩兮  
舞霜雪之淫裔驚流合其駕白螭兮照倒影以為霓逞  
裊變於迅風兮瀾雨谷之滂沱烟面水而澹澹兮寒風

靜籟而過皇虜壁萬仞絕齟齬兮歌上覆而虛巨若示  
寂於三昧兮寶絲網而為華罔明既其神力兮曾東來  
其刹那屏崖半其兩穴兮息閻浮之勦勦昂東慄而虎  
蹲兮嘯谷風之颺飡陶燂絳天沍礮瀝乳應龍卷黠密  
雲茲府雖散徙於中霄亦爰集於祥嶺倚招搖以象天  
兮驚海印而住光伏撮米於下隴兮睇帝壘而降袞既  
麓子而為珪兮亦峰曾而為筍喻馬鞍而宣眺兮像化  
身以得命綠黛東之穀玉兮中四望而馳驅列宿布節

以果愚兮翠苑稽首而泐恐左更北服乎前輅兮二龜  
相睽於中天望頂湖之浩蕩兮金鴈雖離其來遷蘅蘭  
鬱其競芳兮流棄匏於谷口殆應真之所廬兮噴寒濤  
乎木末掇若華以為艗兮鞭地行彼為榜湯播洩于離  
湫兮嗟近代其每涸云青泥其淖陷兮左未入而右繫  
顧頂珠而直進兮摩尼輝乎六種轉螯姑而旗立兮天  
柱岫嶂乎艮土豈斷足以立極兮首瓊枝其芬敷比丘  
抱石無沉疴兮鉢盂覆側頂不覺兮爰有靈岩是為天

宮紫甲信甌錯之肖異列蕭佐法雷之淵歛卓筆小果  
天女供疏平牙瑰玫方城赭堊山蔽虧其暉曜兮障中  
裂而洞宵蒼龍偃其下飲兮何有漏之涓涓鼻低徊以  
觸滴兮修爪鬣之連卷積溜長而成體兮液閭風之玉  
英具青紺之殊色兮獻纖腰之妙婧忠羅隱之不仁兮  
戲逗靈鼻之潺潺晨南望以徜徉兮轉金色臂而上攔  
面天柱以半蹠兮巧倕斷其圓姍嗟敷座其放洵兮吠  
吹峭壁而含風豈土囊之別穴兮砢砢杳其通幽都棘

韜奮於千仞兮足半垂而疾驅藏金簡其靡開兮天笥  
浮於帝隅伽玲碰撞其淵鳴兮左右幅應而孤居橫溪  
震其缸鼓兮亦谷虛之所吟吁蜀桐戛乎吳石兮繞娜  
眇而降驚鳳蓮葩吐其馥座兮三萬二千之法王大鼓  
礪礪其四陳兮雷骨掘而聲揚五色燦其燭天兮東陵  
瓜類而佐稔越怪象之彪騰兮廣皙偉鼻其下垂目炯  
炯而中削兮凌蟪螟之疇駒駘入榛莽而靜志兮悅五  
姥之背駢循茶崖之帶胃兮兩夫釋鍛而箕門雙鸞比

而引首兮謙謙矩其北翔靈子整翼於右梢兮西鷺孕  
度其方驥右伏翹之翹起兮擘海取其敗龍概班陞於  
下陳兮靈峯處高而聳蓬萊干霄而雙峙兮中配體而  
上下離鵷雛運目於比肩兮犛牛南嚙以率毗天門開  
以敞豁兮狀如梭而陽虛拔升楞林而定氣兮兀觴神  
之帝臺朗恍空寂以彤樂兮粘石疎乳而滴悅壇丹黛  
縹澀而松鱗兮殺巨掌開合而神竒返元滅乎色陰兮  
姑安詳起而察雲物鷺五姥儲立於朱隅兮雙鷺匹棲

於戶闌瑰鎗鎗來儀於瑤池兮有封豨矯首而北印瞰  
琅琊之旋坻兮悲大人之幻市轟方石霞駭而磊轉兮  
赤瀨倒崑以東遷逕謝嶺之止足兮蒼秋蟲之訾嗟望  
石虹之蹇媿兮疑逃台而飛礮亘曲絕岬而覆岩兮亦  
蔽雨而怒風胡髮種種而圍首兮面盃欲飯於渙津偏  
袒舒鞞垂瓔珞兮豐肩缺齒陋靡髭兮貝鐘琅琅而罔  
聆大通十坐乎僧祇方巖截薛以牙張兮溜湍浮響而  
迓余咥香鱗於清冷兮縹厥弛於東塗咽竒茗於蕩口

兮屬芳流而踟躕從大平而迴矚兮浸翠阜於黃波振  
列繒於空澄兮實花落而本陂超荒經而為體兮詭麗  
勃屑伯昏於是乎恂慄勢若倚而反植貌似夷而忽憑  
煜四方兮三壇灼九龍兮層城為豸為狸兮妙珪璋之  
不琢為狷褻而蝮虫兮孰都盧之能度兮濯依於窮顛  
亦沒像於紫澗惟趾隨而號殊慨目移而影別雲玄鬼  
黯電急風騰星曜金縱披霞瑀立絕磴縱中崖磔揭  
草滋麗采葉落成章上有泮岩百數之飛泉下有洄穴



千仞之幽谿玩神龍於滅景其大小之所如雲布護其  
經宿風颭瀏而入無虎類戒足鹿蜀窮途發鷲鳩之狂  
叫媚蒼舌於密蒲春卉幽時蕤嶺鋪我龍居作崇氣朋  
雲和潤嶽沉峽激石吞沙濺白篠箭湏雷漢槎秀情命  
駕龍瀑是嘉炎司四涸裂翰林奩爍石如然木客戒陰  
積苔露淺卷石成霜紫蚌傳殼於粉沙玄甲潛形於深  
漿辟足高岑邀風伽林金天登牒瀟爽暑路鴈距始還  
流雲縈度四照猶芳薑芋畦布松幹浮根於清漢頰石

倒縮於青楮搖木蔘華鯨彌嘯月若夫重氷固島積雪  
封巖暎日跋於虞淵幽崖閱其黝墨芍落曜於平垠惟  
亥午而是則寒鴉凜爪而失條纖魚汨壑以轉迤千桐  
失其菁歲翳樓零其浮蒂茲護質其縞衣宵光曙乎天  
地洪崖為之歎息明通靡能措跡葦稻稊以豐蔀兮曾  
君王之莫知尋竹綆以溉畦兮棹數泐為多機雞飲啄  
於鳥道兮豐隆仰震於杙題或乃猛氣宵興山雲晝出  
喊白鶴兮孤蹇為修羅以匝足怪石支離而呈藝冢頂

挂星以綰玉或乃瀆臺帝策萬世莫發山鬼夜號於疊  
漚谷神接響於斲木元緒呼老桑而絕耳芘羸似洵出  
而為族支竹緣偶金橙夾麓木連被兮白沙萍藻潔兮  
列潭亦山瘠而土刊故生嗇而靈長是乃列仙之所都  
居豈尸遊之茫茫二峯締長離之瓊蓋督松因絕頂之  
赤光盍棲神以發蹤夸追影於列峯隰湖養沈於四野  
兮凌萬頃之碧波天吳揚舲而歎欵兮桑田代變其云  
何想叵羅於毗耶兮御白牛乎震東老僧度於化城兮

震五鼓於雲中噴肥膩之佳味兮弘六天之雨花洗余  
心於錦溪兮忘陰入乎自他歷南詢以入樓觀兮證十  
身於海漩冠樺皮而譯藏兮衣跋耆之撒賤聚琤璫以  
應供兮將採櫓而取麻棄鼓刀以正位兮宴靈峰而拈  
華反初服之崑崙兮攝茲山於耒毫

明文海卷十三

欽定四庫全書

明文海卷十四

餘姚黃宗羲編

賦十四

山川六

海市賦 黃卿

猗巨壑之連大荒兮何灝森之無垠浸盤藍之澹泞兮  
兩曜晃其吐吞西極以東之流瀉兮總滙溶而不露維  
五行之贊二儀兮水遂廣而獨神指三山十洲之宮府

兮聿杳邈而難論眷海市之譎變漂疾兮駭靈異於見  
聞彼喬嶽之雲霧兮氣氤蒸之可知若潮汐與八月之  
濤兮亦實理之所為何洪波之決漭兮恍惚出示之瑰  
竒彷彿世之形質兮頃刻更移其態姿寒晦歛而宜和  
朗兮計歲見之無幾詢海叟之博練兮槩罔究其兆倪  
陟蓬萊之峻閣兮出海隈之崇岡盱雲霓之乍歛兮泛  
霽日之浮光渺萬頃之激滌兮胷襟豁以徜徉人走報  
以市起兮僕御奔而踉蹌兩竹山之夢夢兮牽牛島失

其青蒼肇翁鬱於尋尺兮旋騰翥以悠揚少徒倚於巖  
阿兮已宛在水之中央卧青霓之空明兮如潼潼於沸  
湯簇碧霞於一區兮浮晻靄而迴翔譬畫苑之會衆藝  
兮懸繪品之千章天吳群下而蛟蛟兮亟為築厥厚墉  
罔象十葦而出捧兮躍蜒蜒而爭能爰居潛鵠翩翩兮  
如助勢而虬鳴爾乃開五都之闐闐兮集日中之市廛  
南北睥貨之雜陳兮海賈陸商之爭先立候殆工匠之  
售技兮佻佻類馭僮之輕猥販鬻之繽紛兮緊接踵而



摩肩言不聞而有營兮覩巾服之粲然綏獲貿易以散  
返兮行負戴以偃偻伊機巧之戲劇兮爭聚觀之如堵  
負耜耒而荷畚鍤兮走農豎與田父一二弁屨之若遠  
兮意何居而踽踽山冥冥以遠隔兮巨介避之何所俄  
而金榜之日耀兮列甲第之逶迤崇堂層樓之翼翼兮  
雕甍朱拱之翬飛亭臺微突其尖兮重簷密瓦參差雉  
堞巖城之洞啟兮藻績黼黻之歲蕤寶塔轟轟凌霄兮  
華表踞立乎虎獅余擬長楊五柞之麗兮客謂未比其

光儀忽逮纛幢之子才兮散旒旛之旖旎  
檠戟干戚崢峙兮躍駟騎之躡駛安輿飛蓋之徐徐兮  
檐帷流蘇之鮮袞從官健卒駢駢兮郊迎野將之迤邐  
憶名城之孔道兮輪蹄輻輳之如是爾其酒旆颺颺兮  
芳菲近郊遨遊絡繹兮飛虹之橋王孫俠客兮鷹狗靚  
粧姣服兮笙簫竹娟娟兮俯垣茂樹交兮徑遙熒熒兮  
日下射翳翳兮風不飄欣欲就兮水之隔招名筆兮臨  
之圖有懷華胥兮風景爾殊空中波上兮靡盬璘玕爛  
熳兮易佞澤

沸兮奔電息潢潢兮涵杳虛如錦棚之迅撤兮傀儡紛  
散於須臾望島嶼之隱隱兮招玄鶴之翩翩顧偕遊之  
大小兮漸容與以言旋謂老農之播怪兮何鯨鯢巨而  
不然殆海若之幻戲兮較浮世之絢妍嗤方士之陋以  
誕兮誘秦漢之求仙侈金銀之宮闕兮或緣此而誦謾  
嗟么麼兮貴倖若赫橫兮威權燎焰兮易燼綺綉兮露  
乾百爾翕散消息兮咸有極而有端寥廓忽荒如夢兮  
嘉曠士之達觀奚詰辯之傲雕龍兮漫贅費於幽玄

杏壇賦 黃卿

魯邦奕奕兮少昊之遺有阜隱起兮維天作之迺因迺  
壇兮碩人築之乃植之杏兮厥壤之宜陽噓陰吸兮風  
雨維時唐虞邈邈兮西周聿衰道堙詩亡兮世不可為  
篤生先覺兮文其在茲眷茲堦址兮木鐸其鏗朋來四  
方兮濟濟蹒蹒函文樂育兮麗澤孔芳瓊琚陟降兮揖  
遜鏘鏘琴瑟在御兮雅歌洋洋四教循循兮兩端無餘  
三才六籍兮一貫萬殊進之語上兮反之三隅何類之

無誨兮何材之不儲謂宮蓋廣兮厯級步趨謂牆數仞  
兮行之次且彼杏之灼灼兮卉木同春彼實之有蕢兮  
寢廟薦新蕤蕤猗猗兮言憇其陰居之弗雕弗藻兮存  
太古之淳在洙之溪兮維洙漉漉在泗之上兮泗之徵  
幽遠有岱宗峻極兮近有峩峩之尼丘吁嗟隅圮墳陵  
兮風樹遠而澤流萬方多士之翹跂兮沐私淑之餘休  
彼土木之雄麗兮曾何足以少侔

濰水賦

黃卿

侈觀海之雄濶兮復靈山之巍峩捐東征於膠牟兮爰  
厲蹇於維河同清淄以既道兮慨禹績之未磨悅古渡  
之無梁兮停輿騎之逶迤叶泊汜汜之汎汎兮乏維楫  
而罔控泗人戟手以招呼兮遠旅睥睨而遲過石齒齒  
以夾列兮岍岍岌岌其頽沙榆如楓之芄芄兮抑毳毳其  
俯柯茲東方之稱望兮澹澶潏之洪波佇矚眸以上下  
兮聿泝沿之莫量值漆漲之既定兮受諸溪之泱泱日  
杲杲以下映兮嘉漱艷之浮光風微掠以蕩淪兮輕文

鱗鱗以相顧忽層浪之洸洸兮珠漚起沒於中央水鳥  
翩其錦翼兮相泛浴以迴翔有巨魚之突起兮鱗鯽尾  
而分行掬涵淥之湛湛兮誦孺子之滄浪考圖經之源  
委兮出瑯琊之懸淙詢土人之往躅兮曰韓王之戰場  
曩欲閱其形勝兮肆延却以睇觀善將兵之多多兮佐  
以張耳之桓桓乘連勝以東下兮殆破竹之無前夜囊  
沙以潛渡兮竒計莫測其端龍且亦楚之矯矯兮併數  
萬而感殘揚捷音之赫濯兮築京觀於廣原強楚為之

奪氣兮東方震悸而膽寒遂挾功而請假王兮奄有齊  
氏之山川憶戰士之橫戮兮爾何生之不辰立顏垠而  
愴惘兮弔千載之旅魂骸骹堙於沙渚兮血濺瀝於朱  
殷想陰曠而喑泣兮搖冥夜之鬼燐或波聲之哽咽兮  
亦玄靈之嘆嘖何天視之茫茫兮棄三代之遺氓秦燔  
燎之幸熄兮重以劉項之忿爭諸滅國之甫復兮旋橫  
摧於強兵噫田橫之遁海島兮失虞舜之禘稜春秋之  
善救者兮龍且師來之有名嗤汝韓之鷙噬兮殞萬命



以誇能仰大賢之惻怛兮斥善戰於上刑止戈禦亂之  
不得已兮稽九伐於遺經覽浩蕩之宗海兮懷濟川之  
先正叶彼格鬪之錚錚兮等漾漾之浮萍

滹沱河賦

石瑤

介然子將如東瀛放舟於滹沱之浦覽郡國披山川辨  
土壤聆風泉俯象六極仰窺無垠問遺俗於故老招海  
上之飛仙於是揖漁人而進之曰子亦知夫茲水之源  
乎出自繁峙經於代谷放乎雁門之坂帶於太行之麓

朔方巨嶽實扼其胷恒衛諸流半入其腹氣吞萬壑激  
硤礪而未平勢應三泉墮平原而逾盛時乎春冰乍融  
積雪方解支流趨順客浪藏駭迂迴縵延千里一帶雷  
石成渠鋸波赴海千城藉其潤色萬畝資其灌溉鋤鋤  
鳴帝子之環嘔軋散將軍之凱編桴賈客燈火輝煌罷  
釣漁郎歌聲款乃芳洲乍晴倏昏忽明擘神農之遺譜  
得靈均之杜衡及夫積霖未止秋水大至巨濤圻空駛  
溜軒地律令助威飛蕪擁勢海若為之改容巨靈因而

避位鯨翻渤海鬼母長呼虎栗昆陽英雄失智山刊菑  
翳野誅撲楸先驅一指崩沙潰屋怒留城邑薪藁如雲  
殃及鱮魃僵屍遍谷亦有傾城推山變陵不雨而怒無  
龍而興湍隨鯨徙勢若雷崩斷岸蒙隕殷輪牟赤平岡  
被齧戈戟猶青雷崩斷跌訝魚龍之識字楮留袍笏豈  
犀火之通靈乃有泗濱磬浮汾陰鼎見寶鏡入秦號鍾  
歸梵涇陽嫁女簫鼓猶喧龍叟射綃波濤飽戰壞百尺  
之長橋剗千年之古塹人懷魚鱉之憂國有沼池之嘆

忽幾刦之餘仄出昆明之一旦蓋自列國兵屯朝齊暮  
秦盟偷韓魏兵來薊門趙國上卿功名一擊平原公子  
車騎長奔虎狼勢成合從事緩頗收既亡望諸已晚建  
不出援丹空起變常山之蛇陣徒存主父之龍顏幸返  
復有劉項相雄赤旗建功淮陰故壘東垣廢宮王霸詭  
水再光舊坂蕪亭飯麥猶著遺忠保河北以待朕亦何  
異於關中乃至開元弛網漁陽肆毒投鞭斷河驅王入  
蜀常山太守首阨天下之亢帳下諸兒竟破羯奴之腹

惟宋有國茲當北垂契丹伺便西夏來窺築甬梁津任  
布有備邊之策山崩海覆劉竦興致死之師自餘紛紛  
以暴易暴中更幾秦世厯多號劉琨有志獨枕長戈虞  
詡難逢空增萬竈太平之日少於戰爭隴畝之民耗於  
邊徼是宜地下白骨多於黃土長河東奔為泄其怒推  
車卷甲盪百世之餘克濺沫飛流刷遺羌於千古山蓋  
不得不峻水蓋不得不駛陵谷蓋不得不變城市蓋  
不得不徙是雖天時人事交會之偶然然亦豈惡殺

好生造化之得已者乎乃知天本待人地亦藏宅畀我  
祖宗增其式廓既定鼎於金陵又相居於恒嶽若成周  
之豐鎬復營邑於伊洛挽唐虞三代之遺風增版圖萬  
里之式擴於是山多獻靈川亦效職噓氣成雲蒸地得  
澤不須劉累豢靈沼之二龍亦有豫且得白龜之徑尺  
木多杞梓自河而東波有鯉魴望海而入其有異氣蘊  
藹孕為賢良輝煌事業璀璨文章高門大纛紫綬金章  
或名流乎林藪或身負乎綱常乃若蘭陵著述功禪墳

典文貞論諫治逮成康閣敞平津屢屈吾丘之博辨屏  
張便殿猶存李絳之封章武惠忠誠身兼將相韓維兄  
弟並在巖廊趙賓客之名懸調燮黃牧伯之風輓循良  
一代龍頭世頌文忠之相業兩朝司馬名登恭敏於旂  
常是其在昔有作於今益昌孰非山河之所鍾毓地氣  
之所敷揚者乎矧吾生之行休值海波之方晏駕木蘭  
之長舟縱千里於遐覽橫桓伊之古笛飽廉頗之一飯  
藉荒磯之芳草憇清風之別館采江籬以為佩畦揭車

之九畹悵九原之莫作想古人之如見於是流魚出波  
沙鳥鳴苑月華窺林露色淒晚樂未極而悲已生日已  
夕而路猶遠既引領而高歌又一唱而三嘆浩浩乎飄  
飄乎蓋不知吾之所欲之而忘吾之所欲返也歌曰山  
窅窅兮波鱗鱗臨長洲兮思古人魚來迎兮鶴與吟惟  
秋鴻兮北以南志不可騁兮樂不可單還予舟於江皋  
兮吾將續先王之遺音

艮嶽賦 李濂



宋政和間詔築山於上清寶籙山之東象餘杭之鳳凰山初名曰萬歲山後更名艮嶽以其在國之艮位也嶽之正門曰陽華故亦號陽華宮飛樓傑觀竒花怪石崢嶸巧麗可為極矣詳見宋史暨僧祖秀陽華宮記靖康兵燹之後無一存者余汴人也數遊其地周覽荒基追憶其盛賦以哀之時正德丙寅歲也

躡陂陀之土丘曰艮嶽之遺趾沓臺池其何存悵宮殿之圯毀走狐兔於窟壕莽蒹葭於潦水想全盛於前朝

當政和之初紀倡豫大而豐亨崇苑囿以經始吐蔡京  
之奸諛進朱勔而任使廣興築以遊觀傾帑藏之儲積  
耽逸樂於當時殫民力而罔惜寶遠物以自娛役耳目  
之無益費千金而一花勞萬夫而一石萃珍異於天波  
也門名致希有於汴陌蒐洞庭之瓌竒罄太湖與靈壁爰  
鑿堰而破牖始克達乎都驛乃有紫石之巖萬松之嶺  
海棠之川朝真之境馴禽猛獸之聲野店村居之景又  
有龍吟之堂巢鳳之閣極目蕭森飛岑八角斷峽層崖

回巒峭壑白鳥成群錦鱗自躍蘆渚梅汀栖鷗駐鶴其上則壽山峩峩兩峰對列瀑布下垂噴冰洒雪煙霏冥濛寒氣淒冽其下則景龍之江澄波瀾瀾鴻鷁鴛鴦飛鳴戾止朝暉夕陰變化倏爾其最高者則有絳霄之樓白雲之屋木棧驚鳶石磴駭鹿噉接巒迴岡連阜屬左右蔽虧前後聯續沿澗而轉坡降巔而憩麓十里笙簧四面檜竹徙蓬壺於中土漏渤澥於平陸十步一館五步一亭雕欄曲檻碧牖朱樞枇杷橘抽黃楊冬青虎耳

鳳尾含笑素馨徧滿山谷婀娜娉婷見高陽之酒肆倚  
南山之翠屏觴壘不竭絃管可聽更有奇玩岨崎玲瓏  
玉京獨秀之巖慶雲萬態之峰去天咫尺宿霧千重秀  
拔雄峙若削芙蓉巨石數仞屹立有容或如儀鳳或如  
伏龍嘉名帝錫盤固侯封馳道行幸陽華之宮百鳥迎  
駕飛翔蔽空史見程王孫絡繹寶玦相逢柳陰蹴鞠花市  
歌鐘謂太平其萬載俄潢池之逞兇失戰守之大計括  
金帛以和戎屯牟駝而縱牧邀青城而俛從歛鳴笳以

北去擁鑿輿於雪風，睽舊京而返顧。洵煙燄於域中，信  
悲生於樂極。徒抱恨於無窮，嗟天命之不常。惟一德之  
是輔，究治忽之有繇。實人事之自取，苟好樂之無荒。保  
生民於安堵，仰無逸之姬公。誦旅葬之召父，並陳戒於  
顯王。永輯寧乎海宇，何宋人之不然。誅京勗其奚補，矚  
陳迹而撫然。聊搗辭以弔古。

登秦嶺賦

王雲鳳

我登秦嶺之巔，撫清風之泠然。雲飄飄以翼予，兮摩長

松而繫馬覽千里於咫尺兮萬山纍纍而在下野老導  
予以前路兮曰此韓子之遺蹤望翠巘之片石兮得夫  
子之幽宮世皆輿偃樓而婢啣喻兮子有丈夫氣安得  
不窮直諫自古不容於朝兮又何問家於湘之童蒙歷  
炎海之瘴厲兮奄歲月其既老胡生還而益壯兮塞宵  
中之浩浩蹇悃諒之蹈嵌巖兮何不改路以嚙吮屈原  
葬於魚腹兮今之智者笑之吾將剪彩霞以為裳兮結  
長虹而為綬榼洞庭以為漿兮種千頃之蘭蕙以為糗

愁猿吟兮石泉鳴九頓首兮公之堂  
鬱予懷之極悲兮予亦不自知其何情  
退而讀公之文兮夜爛爛乎其有光

渡黃河賦

王雲鳳

造化剖胎混沌開函黑水沆漭崑崙  
崑崙暫啓乃有百泉星聚以下列九派  
虹分而可躡忽茫泐洶稟中央之正  
色兮飛下萬仞之重岳滌戎蕩氛兮  
望神州而南騫抹雍貫豫兮上擁磧  
石之滓下吞滄海之醜復滄東西衝

突南北蓋不知其幾千萬折謂之千里而一曲者乃其  
大凡時或帶雨以奔怒齧崇崖而肆饒渺平原兮曾不  
一瞬渠深如谷兮崖突如巖聲若迅雷之將擊勢如怒  
兵之鼓僂河伯踴躍兮蛟龍肅舞濁濤巨浪不啻日浴  
而天銜野老稚子號顧以遁走兮壯夫健婦爭持敝畚  
荷長鑱峻隄忽亘以百里兮林空山赭曾未惜乎合抱  
之松杉慨何代不罹此患兮豈水德之匪仁抑上帝之  
降災兮而吾未有乎至誠何艱茲辰汴隄決緘千村萬



落如刮如芟天子震怒乃責守監何獻策之紛紛兮曾  
不異乎燕語之呢喃匪順下而障塞兮斯又絲之搶攬  
民脂膏兮竹石絙百丈兮落械溘瀑灑兮一芥隸疲癯  
兮誦誦鬱里閭之噓噴兮望天閭於霄漢鐫功伐之轟  
轟兮輦西山之珉珉我扣舷兮太息但見漁人舟子天  
際掛一葉之輕帆欲訴真宰何辜兮蒼生安得神巫起  
鄭之咸

明文海卷十四

欽定四庫全書

集部

明文海卷十五至

詳校官編修臣錢棐

主事銜臣徐以坤覆勘

總校官庶吉士臣倉聖脉

校對官中書臣石鴻緒

謄錄貢生臣戈廷模

欽定四庫全書

明文海卷十五

餘姚黃宗義編

賦十五

山川七

渡廬賦

何景明

晨瞻崇丘鬱乎相衰  
扃以水峽隱以大洲  
沙莽寒日江深夕流  
蓋將濟於廬水榜人  
告予以理舟沿洪波  
以直度迎迴颺於上  
遊顧中原而緬邈久  
西域而滯留感逆

旅之長勤懷古人而增憂想夫漢炎既燼蜀都始家區  
土未闢士馬不加深入五溪橫制三巴冒險通塞奈邇  
來遐收羌髻以帶甲率庸廬而習戈撻吳權之堅銳推  
魏懿之精華今其斷岸遺津寂寥水涯苦霧縈石悲風  
振沙音塵淪絕古今長嗟嘆餘風兮莫覲幸故址兮重  
過西望開創之基形勢蒼蒼襟夔府而控荆門峙巫峽  
而流瞿塘簡書零落陣圖縱橫煙磧下月陰岸積霜風  
雲慘而猶憤魚鳥畏而將翔功雖殞而譽遠身既沒而

國亡南瞻祠廟魏兮愴宏松柏蔭戶丹青闕宮垣冨林  
蔓堦卷寒蓬亦徒嘻吁父老涕淚英雄而已嗚呼當其  
長嘯之後三顧之餘氣感雲龍恩同水魚念季葉之否  
運思中興之遠謨偉雄並乎三分恥偏安乎一隅何遂  
違其懿志竟弗騁其長驅吾哀斯人遭時不淑宜三代  
以翔翔胡羣奸而馳逐矧功業兮難成且年歲兮易促  
嗟哉天道高不可摩得志者寡失意恒多苟道之不行  
雖孔孟其如何泛泛吾舟載揚其波艤彼清澗陟彼中

阿無人可邀聊獨行  
歌曰朔風起兮瀘水寒  
扣楫中流兮懷昔賢  
遇匪其時兮良獨艱  
嗟嗟遇匪其時兮良  
獨艱

夢遊山賦

楊爵

時和煦以轉泰兮歲惟丁夫壬寅予彷彿於夢中兮夢  
歸遊於咸秦歷韓魏之故疆兮泛柏舟於渭濱浮颶颶  
以遠覽兮暫憇夫山之危岑乃吳嶽之崔嵬而秀麗兮  
古號曰西雍之鎮峯突岼以峻出兮勢若連乎霄辰石

巖巖以峻嶒兮百壑研其嶙峋風習習以清和兮迹迴  
脫於世塵草與木森森而大喬兮秀雲邊其萃尊烏與  
獸蹒蹒而頡頏兮若解意以相馴予乃采芝蘭以聊茹  
兮氣和煦而苾芬把清泉以時酌兮蕩我夙昔之塵襟  
忽回顧以寥廓兮百峯羅翼其共臨俯仰予長笑而朗  
吟兮高曾次以樂真山有廟焉迤邐其麓之東南兮以  
時妥侑乎嶽神棟宇苞翬其壯固兮丹青煥乎其惟新  
背巉崖而面涇渭兮延廣袞其幽沉古取大萃與渙之

大義兮儼嶽像以獨尊予乃肅容儀以瞻拜兮心慄祇  
其快覩復長跽而祝之曰惟明神其監觀於下土以大  
義而降禎祥與妖孽兮斯固無幽而不燭夫何世事之  
紛紛乃有稽典訓而不類兮固予中心其眩賀予敢筮  
游衍而不予隱兮願得夫予奪之微故惟予小子之有  
生兮何不辰而遭世風波洒憂時之血忱而負志於乎  
先兮固久罹於窞坳時有愆而思咎兮求不忝於屋漏  
於歲月之陽春兮今已兩過念予總角而志學兮每矢



心以克邁巖步履以出戶兮敢斯湏而或怠景先哲以  
周旋而與歸兮乃忽罹此凶害予小子反復思之而莫  
知其謂也語畢悽慘流淚潛然偃僂伏俯聽神所言惟  
神鞭爾而有聲兮復喟然其長嘆曰嗚呼來汝小子兮  
是爾之愆爾不聞曲其躬而圓其形兮取封侯以相先  
或有貞直方而未少回兮死固不免於道邊當行而我  
行之兮當止而即止斯先達之明訓而可敬服兮胡不  
珍身而量處道固不能無消息兮應斯有常而不苟相

幾而或少戾兮夫孰非以災而自取惟明哲之見高一  
世兮動自遠於坎硠燭隱機而尚肥遯兮泛長江之一  
舸乃有迷檢括而未諧兮拂潛晦以自頤銜昆山之良  
璧兮人共惜夫楚和履大閑而不苟措兮固自謂世所  
尚也當杓鑿之不類而欲強置兮孰不指身心以為訛  
嗚呼小子而今後其尚疊疊焉以克勵未可以一蹙而  
遞挫思福堂之玉汝其成兮方一念之偏頗惟古良士  
之堅志於患難兮日尚友以切磋寧雉介之耿於羅網

兮勿狡免其爰爰寧松柏挺挺於歲寒兮勿桃李其灼灼何所徃而非我所安之地兮慎無惕中而懷憂彼皇矣之全賦於有生之初兮惟反身而自求聽吾誨爾之諄諄兮尚不忝於前脩苟迷途其終不悟兮乃脂韋以自羞予乃再拜稽首而起應嘒嘒其未已將周旋以出戶忽驚愕以覺悟時東方之既晨愧絲粟於枕衾嗚呼天耶神耶教戒懇切誠可信而可遵大道坦坦而無曲兮固不越乎我之心

交南賦 湛若水

予奉命往封安南國王 調正德七年二月七日出京  
明年正月十七日始達其國 覩民物風俗黠陋無足  
異者 惟往時相傳過實 託三神參訂而卒歸之於常  
作交南賦

皇穹極乎無朕 兮廓空窿而罔象 厚壤淵其莫測 兮又  
缺北而無垠 爰上下乎中土 兮中氣聚其曰人 風四漸  
而四荒 兮極泱莽乎禽獸 草木而為鄰 維中氣以風之

又漸兮聖神肇乎盤古降皇皇而帝帝兮哲王以之疆  
理乎中土列四方而五服兮薄四海又建長而以五惟  
悉主而悉臣兮哲要荒以為度帝曰南之荒裔兮疇分  
野而代工南翼軫而朱鳥兮帝炎帝而神祝融窅乎皇  
后君之攸治兮曰火仙而徵龍燭九陰於赤水兮覲馮  
夷之幽宮昔陶唐之咨命兮羲叔南宅乎交趾庸均秩  
乎南訛兮亦暨時之與事季德涼而莫遐兮荒忽以之  
自異維彼交之叢爾兮北五管而越南裔際尉陀之七

郡兮漢九郡而同置憑都盧於天末兮望越裳乎海際  
南迤邐兮占不勞西聯屬兮滇滇之尾派諸葛之渡瀘  
兮州炎漢之經始李唐承乎厥後兮恢都護之府治昔  
炎氏之方殷兮泛海外之樓船二女藥乎中葉兮薏苡  
用惑夫馬援矧銅柱之磷磷兮厭欃槍乎南天彼高氏  
之定交兮建石塔之巋然故肆崕乎橋市兮立富良之  
江挺彼爾黠曰炎均兮冒耳聃之仍雲維公蘊之肇緒  
兮紹八葉以斯君京用篡而易位兮附胡公之遠孫和

叔後其曰黎兮亦攘之於累傳昔少皞之方衰兮九黎  
擾而亂德北正黎之司地而屬民兮羌始受之顛頊彼  
三苗以効尤兮陶唐亦復乎貞則皇混一以為家兮亘  
地載而天覆一正朔以同文兮又同軌而輻輳物土方  
之包匭兮則九載而三奏厥易世而來王兮叩天王而  
庭受析圭玉乎上方兮球弁旒而七綴襪凌波以赤舄  
兮帶靈犀之與玉珮乘龍節於雲亭兮將天語於揚對  
帝曰疇咨若時余其以兮疇專對而學詩謬曰予之顛

蒙兮之四方其以宜班麟服其粲粲兮疇予珮之陸離  
帶飛霞之弱弱兮冠切雲之巍巍書余紳以忠信兮申  
篤敬而行之悵世途兮曲躋又修阻兮嶮巖羌跋蹙兮  
淮泗迺嘯歌兮江湄望南極於嶺嶠兮馮炎飈而長嘆  
徘徊蒼梧之墟兮揖重華而聯翩西遙睇乎桂湘兮見  
二妃之嬋娟眺崑崙而容與兮憩舒嘯乎籌邊歲月經  
於五管兮青牛服乎南關凱風薰而迎余兮余因以寄  
興於五絃扳南巢而盤桓兮睹鳳鳥之翩躚始問道兮



諒山孰鳳眼兮七源晞晴曠於坡壘兮濯北岷之清湍  
朝曦發乎不博兮度卜隣而僕山步飛空於風磴兮遐  
縹緲乎雲巔懸巖崖兮淵邃設鳥道兮側旋或深入兮  
厚土又上登兮高天鬱山林之險隘兮川屈詰而纏綿  
暮虎豹之蜿蜒兮朝蝮蛇之蜒蜒過丕禮而昌河兮渡  
市橋而吕瑰余息徒而班班炎均遥遥以斯迎兮渡富  
良兮汨灣曰余中華之子族兮家增城之九重從遊帝  
之玄圃兮閒逍遙乎閩風初離郡之豫章兮嘉厥名曰

清源派炎漢之司農兮居余都兮甘泉依雲母兮高嶺  
邇安期兮左隣處太乙之穹廬兮抱羅浮之飛雲承帝  
歌之皇華兮蕪咨諷乎炎德泛淫遊乎方外兮觀泱泱  
之無極歲攝提之癸酉兮斗杓忽其東振火輪躔乎娵  
訾兮魄下弦之次夕蹇余渡以王舟兮亦黜黃而丹堊  
紛龍舟其後先兮沓蛟人而裸涉舫百撓以象刀兮扶  
黑欄而刃白夫惟寓藝夫水戰兮或因用以刺擊肆迎  
拜於厥明兮瀕祥壽之別殿入修門其大興兮見廣文

之顏扁臨炎官之窳窳兮祝融蹕而東轉依南風以弭  
節兮睇天使之離館炎均俯候於朝元兮肅敬天之北  
面儼百辟以皇皇兮奔重候之欸欸陳黃幄兮月殿時  
六龍兮臨下叶虹橋渡而未雲兮又鵲橋而參伍聆天  
書乎洪音兮伏羣黎於下土時中律之太簇兮洪鍾寂  
而不作叶置鳴鳳之嘒管兮擊靈鼉之高鼓應河鼓之  
磅礴兮屢天吳之蹈舞夜叉奮其怒臂兮裸豎挺而前  
杜開廣宴於勤政兮崇余東之席端珍羞虫蝦兮太牢

別陳柳席敷重兮下地登土偶兮簇盤炬粧雜俎兮遠  
苾芬嗚呼廣樂兮蔑棄大呂跳梁舞蹈兮弗事干羽登  
庸瓦缶兮捐謝鼎俎時斗杓之孟陬兮列青梅之碧彈  
粟杯盤之狼籍兮瓜亦先期以為獻奏蠻樂於殿上兮  
鼓譟雜進而零亂列雄虺以為陣兮又沐猴而加冠曰  
而重黎其苗裔兮實乃祖之司農也曷不返乎初服兮  
乃祝髮而脫蹤也敷余闕其度關兮實孟陬之中適嗟  
陽侯之迥絕兮茁芋苗乎三尺農告畢而苗離離兮鷺

亦以之藏色望炎火之千里兮臨迴風而就炙盼仙果  
以舒懷兮丹實纍其枝碧傾都人以雜觀兮士女不分  
而塞途悉鞠躬而加額兮恒首下而尻高儒冠帶而伏  
迎兮交大指而跣跣見梟揚之拂拂兮披髮走而迅徂  
肅龍節兮啟行前指南兮先路駕象輿兮太一使風伯  
兮為之御蹇雲霓以為梁兮先朱雀而向道攬蒼龍而  
左驂兮繫右駢乎白虎騎箕尾之瀏瀏兮乘燭龍而先  
後掣日旌之輝煌兮填雷鼓之轟轟閃雲旗之委蛇兮

參星輶之鏘鏘飄風裊裊兮朝霞纓舉風袂兮揚揚右  
余參之以蓐收兮左攜拉乎勾芒厭旄頭以無光兮曳  
鶉尾之閭闔擊木星以節行兮披鶴氅而荷戈兵啣枚  
以無言兮挾天弧而誰何伏萬矢於林中兮一夫呼而  
衆呀設丹幄於羣館兮雲帔具而不移羅銷金之蕙帳  
兮綴五綵之流蘇坐沉香兮氤氳列絳帷兮纚纚或高  
歌以擊壺兮滌陶硯於天池山鬼下兮吹燈招木客兮  
題詩重候珮玉兮進羞儼禮神兮益卑貴者冠兮跣途

餐席地兮趺居洛由余於戎方兮訪有吳之季子紛披  
髮而冠纓兮胡觀樂乎大方而與之論詩旨懸鞞韃兮  
縹緲乘風雲兮步虛眺有娥之嫺女兮靚蒙山之都姝  
羗雪白而漆黑兮亦蛾眉而曼膚上衣古而過髡兮又  
罔裳而重襦袖飄飄其仍風兮足跣跣而泥塗資珍髭  
以弗售兮齒黥黥而牙聲仍葛洪之丹砂兮將博訪乎  
勾漏逢鮑靚於南海兮余亦與之幽遘觀民居之鳥翼  
兮恒居高而簷低方薨瓦而銳下兮槩厥形如短圭爰

乘葦而平敷兮象鱗鱗其魚魚豈水族相感而則然兮  
乃厥類而象諸鳥翼堂而里置兮日中市於虛落環四  
面以施榻兮中市官而均推國無馬之千乘兮又何擇  
乎驥與駘曰國君之稱富也又曷數以為對兵裸以靡  
甲兮亦焉用夫犀兕豈厥家之固藏兮恐其德之未改  
木寄生之繫纒兮亦既繁而木萎藉若人之福威兮不  
再世而貽殆炎均賦予以非芷兮又蕙蘭之旖旎余辭  
以帝之紉襟兮有縣圃之芳藹又重余以椒苓兮曰余



襟之難改余受閭風之繽紛兮兼月殿之菌桂慨有職  
乎咨誨兮雖草木鳥獸而莫予讀或申申而問俗兮恐  
邦人之女給招朱鳥兮七宿分南野而司天乃靈哲夫  
天飛兮盍於余而具陳鳥恍惚而夕降兮曰余不習乎  
世言交三趾而作篆兮庶予意之或宣曰普天兮殊方  
迥氣風兮不同俯南極兮地下仰南斗兮天中規燬度  
兮鶉尾天地罔肅兮涼風爰又戾兮玄枵澤不腹堅兮  
溶融馮碧雞兮右掖接烏衣兮鄰邦服余華蟲兮乘駕

鵝跨鴻鵠兮鳴天雞振鷺吾其潔修兮海鷗嗒乎忘機  
疾黃鳥之讒巧兮鳩癡黠而攘棲雉胡臻化蜃而呈樓  
兮鱔聲霹靂而震怒鸚鵡慧而訴寒兮翡翠胡喪質於  
竒羽彼紛紛乎斗筭兮亦焉足以多數奮九萬於溟溟  
兮鷗鵬翼其垂天紛有鳥而九頭兮省蛤胡感而化遷  
鳩鳴而草芳兮天虹藏而不雪隨陽惜乎冰泮兮布穀  
啼於冬月曰邈邈乎皇穹之冥玄也昭昭乎博厚邇而  
不可原也揖祝融之冥冥兮而南紀之專也紛摠摠其

淵陸兮盍悉余之昌言也曰維揚之末裔兮土赤殊乎  
塗泥貢竒南以沉水兮又南金之與織綈橘柚包而莫  
致兮丹荔遠而見遺繫鑄山兮為金又煮海兮以為鹽  
波羅特乎彼岸兮安息以液而自殲豨具矢而捷射兮  
獸帶甲而穿山麝藉香以為崇兮猩猩機疏乎能言採  
余驪龍之頷珠兮又網海根之珊瑚珮明月乎南海兮  
拂若木於明都獸為舞而啣戈兮蓬萊浮海而負鰲射  
工巧而俟影兮巴蛇吞象而吐哺又九首吞人兮天吳

怒號犀胡靈兮而厥角通天象奚知兮而委齒自埋乎  
有儵忽兮玄虬負黃熊兮出遊眺西皇之青鳥兮見王  
喬之雙鳧恍海若兮夜出水妃偕兮朋邀胡馮夷兮娶  
婦諒佳期兮好速何海上之居人兮頭宵飛而海食晨  
則返而完歸兮又追隨於往夕歌曰二神僑詭誕恍惚  
兮惜乎余狐疑助莫決兮騎彼箕尾揖傳說兮天路漫  
漫何修越兮昔羲氏之宅交兮化為神於日馭曰南訛  
以平秩兮就余訂以一語依朝曦而折衷兮庶吾之猶

豫曰物之生顯玄趾基一體齊氣孰首飛之斷永不續  
孰能彌之補天有石誰其治之鰲足立極孰睹裁之象  
能埋牙誰親掘之無爪無角誰與錡之馮夷娶婦匪形  
安協水仙有宮胡身業之鵬翼垂天誰能運之扶搖而  
起擊水三千孰其伾之有鳥九頭孰啄食之惟天之本  
誰參析之虺毒一足誰附益之天地之常傳物有極日  
月曜靈風動雷折動植潛飛咸識其職百家九流荒唐  
莫測爰有典謨聖人作式厥民析因鳥獸孳革過此則

非吾之所識於時日車就駕引輓羲和朱明離離扶桑  
參差炎均擊鼓且笑且歌乃臨橋梁送余於河恍乎忽  
忽若夢南柯載歌曰中氣磅礴山川繆兮蝘蜒糾隔離  
中州兮常而不常怪詭幽兮不常而常三光周兮聖人  
耀德文明流兮海波不揚庶徵休兮結余忠兮為軸又  
揆信兮以為路乘余敬兮於堪輿廓自得而容與兮余  
因以從容乎周道觀八極之無窮兮浮遊馳騁乎宇宙  
而上下聊反觀而知天兮迢道遙於閉戶廼旋氛旄之

班班兮攬霓旗之翕翕掣搖搖之雲旌兮叫帝閭乎闔  
闔入鈞天兮紫微聞廣樂兮九合

明文海卷十五



欽定四庫全書

明文海卷十六

餘姚黃宗義編

賦十六

山川八

海月賦 謝杰

繫波臣之徠服矢寶目於明庭敦簞楛之遺則徼皇王之濯靈帝嘉聲教之被訖鑿孤遐之款誠爰命二臣以於邁泛舩而東征余乃棄孳息辭弟兄耦星使趣王

程出晉安道新寧駕飛廉馮大庭望洲島涉裨瀛翩然  
霞舉冷如風行比中流以遙矚值華月之方升瞻彼月  
兮太陰之精潮生而魄潮應而興潮侵而闕潮盛而盈  
既與潮而為候自與海而相仍此善下而大彼虛受而  
凝此浮天而為岸彼借日而生明此納百谷而稱王彼  
從衆星而名卿滄桑以為晝夜晦朔以為死生被窮髮  
而黑經閭扶而青三蠖肥而滿六鰲奠而寧魚腦滅而  
滅龍伯蹶而傾既漭漭而漫漫亦淵淵而泠泠爰瀟瀟

而矍矍復鼎鼎而熒熒儵忽異狀瞬息殊形方夫崦嵫  
既沒扶桑未啟光風乍融太宇轉霽下無驚濤上無微  
翳望舒狩而升輿羿妻奔而騁轡織阿駮乘結鄰翼衛  
重輪稅於歸墟合璧騰於蒙汜黃道經之碧津赤路交  
乎黑齒滄嶼養魄沃焦抱珥員嶠奉規尾閭循緯碣石  
薄而鳧飛之采蕩而兔逝天墟浹而黃長析木浮而桂  
陸玉珧石華潛盜其靈海鏡方諸亦稟其氣非朏非朏  
非匿非朏時五而三時八而二增潤重溟流輝萬里洗

光金銀之宮湛碧珊瑚之址或綿者如穀或爛者如綺  
或潔者如圭或平者如砥或好者如瑗或激者如矢或  
華者如蜃或躍者如鯉或如素鳳之下池頭或如白鼉  
之嬉水次或如瑤瑟之鼓湘江或如鮫綃之絢蓬市或  
如寶筏度於恒河或如玉華點乎蒼洱或如螢火映於  
林塘或如梅花落夫沼沚或浮或沉赤烏浴而淵暉或  
滅或沒驪龍領而川媚或閃或鑠電騰雲漢之墟或錯  
或落斗轉明河之溪想而像之驚心駭視至於皓靈披

披浚瀾生紫儼若軒帝遺珠赤水迴雪宛轉清麗射人  
又若宓神歸於洛濱夜光盈盈蟾蜍在腹又若女狄暮  
汲而育陽侯疾驅金虬狂舞又若澹臺碎壁水澣須臾  
浪息微明不波又若武皇眺於影娥皜素繽紛非練非  
組又若天孫夜渡河渚靈暉煜煜萬濤增妍又若神劍  
沉於罈淵茲時茲景洵不易得水鏡空明冰壺津液玉  
杵秋清玄霜夜碧漢臯風洄珮環浙瀝陽臺雨歇朝雲  
生白以泳以遊其樂何極於是舉酒以屬諫議分韻賦

詩余歌曰月出兮東方水流兮湯湯我所思兮道路長  
欲往從之兮河無梁諫議亦歌曰月暈兮知天雨海水  
兮知天寒佳期逝兮衆芳闌思美人兮隔雲端歌竟魚  
龍交奮餘景就畢滿船跼伏不寒而栗余獨怡然載賡  
載繹秋水之篇明月之什一闋未終颺舉兩腋流響湖  
澗排山破石馮夷澶迴天吳辟易少焉風定雲色猶黑  
諫議曰美哉色也洋洋奕奕宜諧宮商服之無斃眎彼  
乘興南樓賦詩赤壁牛渚泛舟晉陽卻敵洵夷險之殊

致又遐邇之迴跡奚翅大明之與燿火海若之於河伯

風穴賦

王尚綱

聞風氣為之天地之號令也必五行得令四時順序  
而後八方之風各應律而至以成成功否則變恠百  
出不可具狀然有正有變皆氣之為也而汝州獨有  
穴又有所謂風伯者主之故又有風伯廟春祈秋報  
祀饗靡闕而風時為虐余惑焉感而賦之其辭曰

倚嵩陽之二室兮瞻鴨路於隆中鬱鳴臯以西園兮汝

海灑以流東倦余游之倥偬兮聊偃息於風穴恫恒卦  
之未解兮捫予腸之百折俯千峰之白雲兮憶鈞臺之  
天樂謝箕頰之鳴瓢兮媿龍山之帽落籍吹噓於鼓籥  
兮歷千古而互見判正變於洪鈞兮本一氣之流轉肇  
醇樸於三皇之世兮煦雍熙於帝畿濯三王之清秋兮  
慘五霸之淒淒入虞絃以拔周木兮縱烈火於狂秦憫  
七國之擾擾兮歌豐沛乎真人懲奸雄之狐媚兮烘一  
炬於長江吹灘上之一絲兮繫九鼎於漢邦揚沙石於



昆陽兮結河水於王郎繫昔日之休休兮將誰復於爾  
傷奮噫氣之餘烈兮雜氛颺於羣籟粵予今之侘傺兮  
念誰為之否泰惟風伯之巍峩兮殿廟貌之凌雲惟歲  
序之迭遷兮供祀事之孔殷迓之以鸞檠兮御之以龍  
輶左瞰剛鬣兮右薦柔毛酌桂酒之芬烈兮錯水陸之  
飫飽坐以享余之報兮一不聽余之所禱發玉囊之先  
聲兮驅天末之長颯初習習以出谷兮寢汹汹以怒號飄  
忽鼓盪刺以撞兮溯滂瀕湧撼以颺兮騰走石於層空

歛埃沙於萬里伐巨木如朽葦兮海水為之沸起泣羈  
旅之逐客兮阻京洛之征人方大火之如燬兮醜雲雷  
而為屯洎農家之跂望兮鑠霖雨於垂成怖雞犬之狘  
猶兮又鷓鴣之無聲園林胡以萎兮嘉穀無實而容長  
言頽頽以歔歔兮盡溘死以流亡視纍纍之足畫兮孰  
知謠詠之足哀將卒歲之何依兮望丘壠之裴徊朝遺  
田之百畝兮夕頽垣之百堵顧何賴於谷中兮乃隨山  
而鑿戶掩涕淚以攜幼兮雖未飽而娛懷究窮民之無

知兮嗟何罪於風霾亶此穴之為厲兮何乎予之前聞  
詠周南之遺風兮爰遵道於汝墳倚撫景以傷心兮徒  
意遠而無旁惜衆卉以搖落兮蚕荃蕙其猶芳嗚呼已  
馬哉甘馬革於櫪下卧牛衣於溝中跽微詞以伸志悲  
遠游之回風亂曰雨暘若時兮風伯之司旱魃為虐  
兮匪伯之作騰而風伯兮何庸何尤曰祈與報兮厲爾  
春秋天高難頌兮民隱叵說安得帝怒兮爰塞此穴庶  
幾羣動兮其獲銷歇

泰山觀日出賦 申禔

仰止茲山兮夢想平生歲惟壬子兮余有西行道經齊  
魯兮瞻望崢嶸飄然神往兮眈焉心傾爰驅車而就之  
兮指翠微以徂征於是景薄孟冬序猶杪秋紅樹吟風  
寒禽啁啾雁盡天空雨霽烟浮爾乃振步於紅門之麓  
兮攀青磴之逶迤歷幽壑之窈窕兮怨層巒之蔽虧忘  
登頓之縈紆兮恣選勝而探竒漱水簾之飛泉兮弄白  
鶴之連漪窺龍吻之崦岬兮摩蓮峯之歲蕤既捫蘿以

度險兮亦策杖而支疲撫秦松之霜姿兮弔漢時之荒  
圮悲御帳之虛無兮俯明堂之蕪基溯往迹以儻徊兮  
心感慨而猶夷仰睇奎婁引手可掇迴望白雲四山如  
雪不堪贈持聊以怡悅爾乃躡天門之崔嵬兮陟霞宮  
之峇崑禮蓬玄之洞天兮覲絳節之僊朝劍佩儼其班  
列兮虎豹躡蹠而怒驍帝室赫奕以威神兮天妃嬉暎  
而逍遙吾欲覲海日之竒觀兮驗靈經之嘗讀徧三峯  
以翱翔兮留日觀而止宿魂中夜而屢驚兮恐宵興之

不夙聞雞鳴而衣裳兮又虞夫繁雲之礙目起視星河  
之耿耿兮愉璇霄之霽肅洪忍靖而無纖埃兮玉繩繫  
而騰煜乃冥心兮澄神穆誠想兮寘賓遲東方兮未明  
晰微茫兮海濱漸赤霞兮萬里映滄波兮粼粼朱光騰  
爍兮一躍驚見火山兮半輪謂曦駕兮已升乃鮫宮兮  
尚淪圓輝外見兮如隔琉璃之景曜德中涵兮若屈元  
化之娠冲澍沆瀣兮映初照以明滅膠瀉瀕洞兮浮玄  
旻而無垠忽乾坤之低昂兮蕩漾搖空互水天以吐吞

兮瞳隴欲晨光呵歛以掩忽兮噓吸潮汐波淳滴而漑  
潛兮簸蕩化鈞沃焦沸汨兮餞日車陽侯熾威兮辭坎  
屈離水際兮登太虛將出潛兮光未舒滄上盈而下縮  
兮侶欲去而躊躇俄縮極而規湧兮晴輝颺而陰氣除  
馮夷迴馭兮海冥冥而就沉六龍飛轡兮雲鱗鱗而鑠  
金鬣鬣收兮暘谷罷稔晴旭歛兮霞彩高臨炘炎景之  
照灼兮二儀開而融朗揚燎燭之光耀兮五色絢而彌  
深濯濩燐亂目矐眈而不能視兮爍煇燼閔視墜曉而

不能任溢光華於六合兮昭物像散陽和於萬品兮愜  
羣心暢流覽於遼濶兮䟽煩鬱於心胸俯九垓之茫茫  
兮見萬有之茸茸遠而嵩華恒霍秀如拳石兮近而龜  
鳧沂羽山如蟻封帶水辨百川之潮淙兮町畦類千仞  
之崇墉鹽雞蠖螻紛紜以往來兮乃羣生之興亡相代  
而利害相攻信乎登泰山而小天下兮倚天拔地而為  
五嶽之宗也嘆勞生之堪哀兮吾何為乎淹留望故鄉  
之諳藹兮心灼爍其離憂懷親舍而憐雲飛兮氣歔歔



而涕流情眷然而思歸耕兮慕曾氏之前修反初服以  
勅吾身兮獲中心之所求警夙夜而惕厲兮庶以寡此  
生之誓尤系曰無閱之先遐鴻濛六區之外邈難窮海  
岳高深天地中陰陽變化陶冲融晦明寒暑遞始終陽  
精麗天葩太空斡旋元氣行西東遠遊何必追荒躅俯  
仰堪輿適所欲人生幾何俟河清焉用倒景凌蓬瀛願  
得歸田娛我情靜觀無始契無名周天一息千萬程不  
出戶庭遊八紘

衡嶽賦 俞安期

在昔黃帝辨位正疆咸取密山表其五方湘江之陰荆  
漢之陽乃有衡山位是離宮上直璣衡之度殷朱烏之  
精曰維南嶽以奠火鄉滿霍為副其後匡廬佐理其旁  
爾其山也遠而望之稟索嶒岷崖陰靖嵒滄岷岷岷  
岷嶼嶼亘坤絡掩天經噓雲映霆直干乎太微之廷既  
而入也峽岬崩施巉嶮歲襄鬱岬巖穴萬谷千嵒峰峯  
踈密以離立岡嶺相屬而邈迤同立共壑一雨一暘連

厓接岫或陰或陽雷電冬出凌雪夏藏衆態之變譎恠  
靡常理不可會語不及彰於是跋硯硃蹠峭岫出斲礪  
入嶮巖翔燕翺翽之道蟠蛇迴復之蹊驟瞻已絕屢覲  
若迷既前征而後折亦陟隆而降卑畢歷夫磳礪之礪  
礪始逮乎屨屨而上躋斯乃赤帝之所幸祝融之所棲  
彼躡羣有而特上孰下載者而並之羌獨立以頽仰恍  
履地首而中穹窿肆馮夔以遐矚信目至而地窮川九  
向以九背嶺五伏而五崇九嶷負百粵而禮極江漢領

九派而朝宗介巫黔而辨巴徼越南訛而延暑門夜日  
觀乎海澨極星指乎地中其邇察茲山之全形度脉絡  
之終始零陵挈其首洞庭濯其趾右掖夫夷之流左軛  
瀟蒸之委周環計之何啻八九百里其峰則岫嶺別起  
紫葢爭高石廩一闔天柱雙標芙蓉轆乎靈藥軫宿之  
壓瑰霄雲密與雲楚旅列靈禽與翠鷺同翔者闔狀類  
乎竺國安上名托乎仙曹金簡映慧日而相耀屏障倚  
雲居而周旋蓮花冠青岑之上華葢導白石之前惠車



上縣若飄帛或盪爛分流或滄滯相激百潭潄而淵渟  
千谿劃而浚洑池不墨而成黠泉不蹶而為碧靈澗不  
雨而澍漑雷泓不流而墉澆其石則硎礪礫砢砢磊  
砢凌兢砢砢傾若待扶聚若鳩族譎者鬼裁巧者神琢  
中有五金之璞維繳之碧礪磈雲母青腹絳砂玄鑿碧  
怒青磷赤礪礪礪礪其木則杉梓娑羅枉黎楮榭楓  
檣栗櫻椿檜楮椶鬼桃女貞桂根樵漆郁郁芬質維檀  
及檻往往而是匪松伊柏堙塹蓋顛黝黝鬱鬱噫氣類

橐鑰之懷風夾道若旃幢之障日挾響則萬壑同鳴吐  
萼則千立互色若夫產於深谷植自平原葉糾夾而榦  
榦榦直上而森琴短猶數仞脩或十尋至於踈立凶峯  
托根叻石本濫縮而不長枝倍之以橫出螭蜷擁腫櫛  
樵曲屈紛綸不一其有萬年之松枯使活之千年之竹  
截甌可炊小而矩者中杖可攜青黃之精珊瑚之芝木  
石之耳芋蕓之魁餌之澤悴蕪可調饑又有紫茜可染  
龍鬚可編焯綴厓石萍編沙暎神農所嘗之藥羽釋所

藉之糗諸莫不亘深而冒迴苟至者咸得而可將逮夫  
瑤萋金卉琳腴玉漿赤瓊之髓五石之英太上所秘山  
祇是護非棲心杳冥之輩窮跡靈輿之區者夫孰得而  
可選獸則黃斑之狼白銀之麇玄猿青冢兔鹿麕麋鳥  
則白鷗蒼鵠黃雀鷓鴣鸚鵡鷓鷯鷓鴣鷓鴣羽不吝飛  
蹄不吝趨各逍遙於幽突隨所赴而寧居其諸幽恠弛  
張夔罔跳嘯執書之老翁烏颺之年少類齊諧之所編  
然犀之所照實談之而匪經將述之而寡要其宮室則



赤帝之居顛為豐傑儀紫宮以繚垣法象魏而表闕飛  
樓岑疊乎四隅輦路矢行乎八達入南端歷左掖步彤  
墀納文石金神提銳而旅陳玉女捧匱而分侍恭禮垂  
旒洋洋在位目一其瞻心雪其穢容不肅而自莊精不  
顯而自萃既其覽穹殿之鴻麗又目駭而心驚肇規制  
之區畫儷峰數而作程崇以七十二尺列以七十二楹  
文梁霓起以天矯華椽蝟集而縱橫綺錢周網層染相  
承鏤以四荒之獸倒以玉井之英朱塗電散彩飾霞蒸

曠燿閭以巖崖赫艷燭而晶熒乃其長廊九十六翼首  
自端闈旁抵寢室紺碧其材繡繪其壁凡遊閒燕樂優  
俳戲劇振帙披圖擊鞠博奕農作女紅樵採漁弋楊杵  
搗衣輓轡井汲加以奩香篝衣嬪御上直罔弗曲摹其  
形態殫協槩乎洞清之筆其前環以百家之市其中貫  
以三條之術右弼釋氏之寮左輔黃冠之宅二教並居  
同門異闕粵自軒遊之駕虞巡之蹕以至舉柴而望及  
乎遣使宣臆加帝王之尊稱比公衮之上秩履縣牲牲

埋瘞圭璧禮以赤璋藉用茅席盛典於是乎臻百神於  
是乎集靈臺侈於玄文寶洞宣於玉笈古今告饗之辭  
猶載穹碑之勒故屢易受命而不忒故昔盛時睠彼圖  
經萬壽靈虛安寶玉清光天銓德九真黃庭若此者稱  
宮建九為觀十八浮圖之居五十四剎及樓閣亭榭書  
室講堂靈樞神屋竹院松房謂鴻紛而此時鬱被谷而  
彌岡錯金碧於蒼翠侔乎甘泉與林光慨今昔之夔殊  
返太始之鴻荒間新基而古號亦稱存而若亡廬庠偃

歷十九付於無何有之鄉乃若方廣昉於天監上封改  
於隋煬嶽麓蔭於星沙鴈峰起乎衡陽楚安垂明月之  
下寶勝列香爐之傍白鹿踞武陽之里白鶴棲崇嶽之  
鄉龍橫覺海雞鳴上方雙峰淨居七寶大明道林崇果  
高臺清涼爰及西明南臺福昌福嚴衡居會善天臺祝  
先法輪多寶雲封湘南化成花藥攝授白蓮豈中墜而  
未舉抑大圯而小延寧無聲建于後亦有盛踰乎前計  
十存其七八而鐘磬之聲猶相聞焉其若登山海印衍

宗石頭或有賜號隋主服役金門嬾殘思大林公十八  
僧之儔又若白膠辟穀於雲隱雙子擷秀於靈芝太微  
太案並依金母之殿景童丹霍分卜石室之棲帝女感  
玄皇而飛遯華存慕至道而宅茲禮正飯靈草而顏駐  
道全駕仙驪而軀飛赤精授經壇上郁之諷誦靈臺二  
薛前後以息駕鳳仙幽獨而杜機彌明靈期廖師三清  
之儕以棄俗為教居山為藪師清靜而友太和家彼岸  
而戶淨土神臯靈窟固其所也穹厓邃壑亦其主也然

自夏載探玉字之冊發蒼水之司刻鳥跡之碣紀治水之辭及周之讓王采藥臻斯其後懷竒抉異之偉士逃虛傲世之仙才司馬浮湘而至向禽結侶而來於以覲決雲之會而得遂采霞之懷鄴侯英國劉氏三之若其類也皆繭趾鯁顏抗險梯艱里土或萬挾糈彌年或僻居茹苦或冥索雁顛豈非異倬詭之倘遇而神秘之或宣參大塊之羣變易睥目之恒觀也哉乃有菰蘆之鄉縫掖之士幼沈六義之淵壯結五嶽之志嗤婚嫁之待

畢乘筋力之未瘁至自闕

天門之月馬逢敦牂之歲

始歷其一未覩其四意者較夫嵩華之與泰恒亮非隸  
其左次綴徃哲之闕章併作頌而告之大庭氏之帝曰  
天作有宥望禮既隆百神既同維南之宗誕袞厥靈靈  
亦駿發蕃育萬物物亦昌達煌乎帝靈火德是興降昭  
厥禎以畀我文明異顯帝德有炳有蔚華予之國黃離  
永吉

明文海卷十六